

Morning Dogri (NSD) Bulletin 23-05-2025

आकाशवाणी

- प्रधानमंत्री नरेन्द्र मोदी होर अज्ज दिल्ली च द'उं दिनें दे पूर्वोत्तर निवेशक सम्मेलन दा उद्घाटन करडन।
- सीबीआई नै जम्मू-कश्मीर दे साबका गवर्नर सत्यपाल मलिक ते 5एं होरनें जनें पर कीरू पनबिजली परियोजना च भ्रष्टाचार गी लेइयै मामला दर्ज कीता ऐ।
- सरकारै मणिपुर च जातीय हिंसा कन्नै जुडे दे मामले दी सुनवाई लेई एनआईए दी इक्क बशेश अदालत खडेरी ऐ।
- ट्रम्प प्रशासन नै हार्वर्ड युनिवर्सिटी च बदेशी विद्यार्थिये दे दाखले पर रोक लाई दिती ऐ।
- वैश्विक एजेंसी फिच रेटिंग्स नै अगले 5एं ब'रें च भारत दी सकल घरेलू उत्पाद यानी जीडीपी विकास दर 6 इशारिया 4 फीसद रौहने दा संशोधित अनुमान व्यक्त कीता ऐ।
- आईपीएल च जंदी रातीं होए दे मुकाबले च लखनउ सुपर जाइंट्स नै गुजरात टाइटन्स गी 33एं रन्जे कन्नै हराई दिता।

<><><><><><>

प्रधानमंत्री नरेंद्र मोदी अज्ज नमीं दिल्ली च राइजिंग नाथ ईस्ट इन्वेस्टर्स समिट दा उद्घाटन करंगन। दऊं दिनें दे इस शिखर सम्मेलन दा मकसद उत्तर पूर्वी क्षेत्र गी मौके दी भूमि दे तौर पर उजागर करना ते वैश्विक ते घरेलू निवेश गी आकर्षित करना ऐ। इस शिखर सम्मेलन च मंत्रालयें दे सत्र कारोबार थमां सरकार दे सत्र ते बैठकें, नीति दे स्टार्ट अप ते प्रदर्शिनियां ते निवेश गी बढ़ावा देने लेई राज्य सरकार ते केंद्र मंत्रालयें आसेआ कीती गेदी इस सरबन्धी पैहलकदमियां शामिल होंगन।

<><><><><><>

EAM-Conference

विदेश मंत्री डॉ. एस जयशंकर होरें कल बर्लिन च यूरोप च भारत दे राजदूतें दे क्षेत्रीय सम्मेलन दी प्रधानता कीती। सोशल मीडिया पोस्ट च डॉ. जयशंकर होरें आखेआ जे उनें आप्रेशन सिंदूर ते भारत आसेआ आतंकवाद गी दना बी बर्दाश्त नेई करने दे स्नेह उप्पर चर्चा कीती ऐ। उनें तबदीली दे समें च यूरोप दे होर गहराई कन्नै रूज्जे दे बक्ख-बक्ख पैहलुएं पर बी सोच-विचार कीता।

<><><><><><>

CBI-Malik

केन्द्री जांच ब्यूरो-सीबीआई नै जम्मू-कश्मीर दे साबका गवर्नर सत्यपाल मलिक ते 5एं होरनें जनें पर कीरू पनबिजली परियोजना च भ्रष्टाचार गी लेइयै मामला दर्ज कीता ऐ। बरे 2022 च जम्मू-कश्मीर सरकार नै कीरू पनबिजली परियोजना दे निर्माण च 22 सौ करोड़ रुपें दे ठेके च भ्रष्टाचार दी शेंका जतांदे होई सीबीआई जांच दी गुजारिश कीती ही। पिच्छले बरे सीबीआई नै इस सरबंधे च दिल्ल ते जम्मू च 8एं थाहें पर छापेमारी कीती ही। सीबीआई नै जेहडे लोकें खलाफ मामला दर्ज कीता ऐ, उंदे च चिनाऽ घाटी बिजली परियोजना दे साबका अध्यक्ष नवीन कुमार चौधरी, परियोजना दे अधिकारी एम.एस. बाबू, एम.के. मित्तल, अरुण कुमार मिश्रा ते पटेल इंजीनियरिंग लिमिटेड दा ठेकेदार शामिल ऐ।

<><><><><><>

Manipur NIA Court

सरकार नै मणिपुर च जातीय हिंसा कन्नै जुडे दे मामलें दी मुकदमे लेई इक खास एनआईए अदालत दा गठन कीता ऐ। केन्द्री गृह मंत्रालय नै मणिपुर हाई कोर्ट दे मुख न्याधीश हुंदे कन्नै सलाह मिश्वर करियै चुरा चंदपुर जिले च इक सत्र अदालत गी राश्ट्री जांच एजेंसी आसेआ जांच कीते गेदे मामलें दे मुकदमे दी सुनवाई लेई इक विशेष एनआईए अदालत खडेरी गई ऐ। अधिसूचना च आखेआ गेआ ऐ जे विशेष अदालत दा अधिकार क्षेत्र पूरे मणिपुर च होग। एनआईए नै 3 मई 2023 थमां शुरू होई दी जातीय हिंसा कन्नै जुडे दे 3 मुख मामलें गी अपने कश लैता ऐ। इनें मामलें च जिरीबाम च 6 महिलाएं ते बच्चें दा अपहरण ते हत्या दे कन्नोकन्नी होरनें हिंसक घटनां बी शामिल ना।

<><><><><><>

US-Iran Talks



UK Mauritius Treaty

बरतानिया नै विवादित ते रणनीतिक तौर पर स्थित चागोस आपुएं उप्पर सम्प्रभुता, मारीशस गी सौंपने आहले इक समझौते उप्पर दस्तखत कीते ना। इस समझौते तैहत बरतानिया, मारीशस गी हर बरे 13 करोड़ 60 लकख डॉलर देग तां जे ओहू इस आधार गी घट्टोघट्ट 99एं बरें लेई वापस पट्टे पर दित्ता जाई सकै। इस समझौते बारै पत्रकारें कन्नै गल्लबात करदे होई ब्रिटेन दे प्रधानमंत्री केयर स्टारमर होरें आखेआ जे एहू समझौता ब्रिटेन दे राष्ट्रहित च ऐ।



India-Welcome Treaty

भारत नै चागोस द्वीपसमूह पर मारीशस दी सम्प्रभुता वापस आहने बारै बरतानिया ते मारीशस बश्कार समझौते पर दस्तखत करने दा सौआगत कीता ऐ। विदेश मंत्रालय नै इक बयान च आखेआ ऐ जे इस दक्खि समझौते दे राएं लम्मी अवधि आहले चागोस विवाद दा औपचारिक समाधान इस क्षेत्र लेई इक मील दा पत्थर आहली उपलब्धि ते इक सकारात्मक विकास ऐ।



Finch-India GDP

वैश्विक एजेंसी फिच रेटिंग्स नै अगले 5एं ब'रें च भारत दी सकल घरेलू उत्पाद यानी जीडीपी विकास दर 6 इशारिया 4 फीसद रौहने दा संशोधित अनुमान व्यक्त कीता ऐ। एजेंसी मूजब, सकल रोजगार च बाढ़े करी भारत दी अनुमानित जीडीपी विकास दर सिफर इशारिया 2 फीसद मती रौहने दी संभावना ऐ। दुई बक्खी, एजेंसी नै चीन दे विकास अनुमान गी घटाइयै 4 इशारिया 3 फीसद करी दित्ता ऐ जेहड़ी पैहले 4 इशारिया 6 फीसद ही। अंतर्राष्ट्री मुद्रा कोष दी पिच्छले म्हीने जारी रपोर्ट मूजब बी भारत सब्भनें शा तेज रफ्तार आहला प्रमुख मुख बने दा ऐ ते एह अगले द'उं ब'रें च 6 फीसद शा मते दे बाढ़े आहला इक्क-मात्तर मुख होग। अंतरराष्ट्री मुद्रा कोष नै 120 शा मते मुखें दी पैहले जताई गेदी विकास दर च कटौती कीती ऐ।

<><><><><><>

IPL

आई.पी.एल क्रिकेट च लखनऊ सुपर जायंट्स नै कल रातीं अहमदाबाद दे नरेंद्र मोदी स्टेडियम च टेबल टापर गुजरात टाइटन्स पर 33 रन्जें दी जित्त दर्ज कीती। पैहले बल्लेबाजी करने लेई सद्दे जाने मगरा लखनऊ सुपर जायंट्स नै तय 20 ओवरें च 2 विकटें पर 235 रन्ज बनाए जेदे च मिशेल मार्श नै 64 गेंदें च 117 ते निकोलस पूरन नै 27 गेंदें पर नाबाद 56 रन्ज बनाए। एहदे जोआब च मेजबान गुजरात टाइटन्स गी 202 रन्जें पर गै पूरी टीम गी आउट करी दित्ता गेआ।

<><><><><><>

Weather

मौसम विभाग नै गोवा ते कोंकण च कल्लै तोहडी तेज़ बरखा बरने दा अंदाजा जताया ऐ। अगले द'उं-त्र'उं दिनें तगर कर्नाटक, मध्य प्रदेश, महाराष्ट्र, अंडमान निकोबार, अरुणाचल प्रदेश, असम, मेघालय, छत्तीसगढ, गुजरात, झारखंड, केरल, माहे, लक्षद्वीप, मराठावाडा ते उत्तराखंड च बी तेज़ बरखा बरी सकदी ऐ। हरियाणा, पंजाब, दिल्ली, जम्मू, कश्मीर, लद्दाख, गिलगित-बाल्तिस्तान ते मुज़फ्फराबाद च धूड भरोची अंधी ते बिजली चमकने दा अनुमान ऐ।

मौसम विभाग नै मुंबई च अज्ज ते कल आस्तै मौसम सरबंधी अरिंज अलर्ट जारी कीता ऐ ते बडी तेज़ बरखा दी चेतावनी जारी कीती ऐ। इस दरान 50 शा 60 किलोमीटर फी घंटे दी रफ्तार कन्नै तेज़ हवा चली सकदी ऐ।

<><><><><><>